

دوسعادتده یکی پوسته خانه قارشوسنده
داثره مخصوصه در

محل اراره:

مشرط الفقه

۱۳۲۶

انظار:

مساکنده موافق آثار جدیده مع المنزیه قبول اولنور
درج ایدیلیم آثار اعاده اولنور

دین، فلسفه، ادبیات، حقوق و علوم دین باحث هفته لق رساله در

مؤسسلری: ابوالعلا زین العابدین - ح. اشرف ادیب

تاریخ تاسیسی:

۱۱ نموز ۳۲۴

درسعادتده نسخه سی ۵۰ پاره در

تیریلده دن مقوا بورو ایله کوندریلیرسه سنوی
۲۰ غروش فضله آلنیر.

درسعادتده پوسته ایله کوندریلیرسه ولایات بدلی اخذ اولنور.

درسعادتده	سنه لکی	القی ایلغی
ولایاتده	۶۵	۳۵
ممالک اجنبیه ده	۹۰	۵۰
	۹۰	۵۰ غروشدر

عدد: ۱۶

۳۲۶ ذی القعدة ۱۶ پنجشنبه ۲۷ تشرین ثانی ۳۲۴

برنجی سنه

[آمین]:

استجب معناسنه اسم فعل اولوب معناسی : دعائیه اجابت بیور
دیگدر . بالاتفاق سوره فاتحه دن جزء دكسه ده تلاوت سوره جلیله
عقیده اوقونسی مأثوردر . احادیث شریفه ده تصریح اولندی اوزره
جبرائیل علیه السلام طرفندن تعلیم بیورلمشدر .

« خاتمه »

سوره جلیله مزده بتون بنی آدم اوج طائفه تقسیم بیورلمشدر :
منعم علیه ، مغضوب علیه ، ضال .

منعم علیه اولان ذوات کرام بالاده ذکر اولندی اوزره درت
صنف تشکیل ایدرلر .

مغضوب علیه اولانلر دخی ضالاک معنای موضوع لهنه نظراً
ضالین ده داخلدرلر . فقط براده ضالین تعبیری حق تعالی حضرتلرینه
احکام شرعی سنه دائر جهلدن خالی اولیان کسانه تخصیص اولنده رق
مغضوب علیه خارج بر اقلمشدر . بناء علیه مغضوب علیه بیهیله ارتکاب
معاصیه و یا خود عناد واستکبار ایله کفر وتکذیبه جرأت ایدنلردن
عبارت اولور که ایکی صنف اولمش اولورلر : صنف اول عصاة مؤمنین ،
صنف ثانی کفره معاندین .

مغضوب علیه اولانلرک چله سنک عذاب استحقاقلرنده شبهه یوقدر .
فقط مرتکب معاصی اولان مؤمنلرک بر قسمی شفاعت شافعین ایله عفو
بیوریلر حق و معذب اولان قسمی ده ابدیاً جهنمه قالمیه جقدر . اما عناد
واستکبار ایله بداهته ، براهین قطعیه ایله ثابت بر حقیقه قارشو کفر
وتکذیبه اصرار ایلین سفهای بی ادغان نارجمیده مخلد ، ابدیاً سوزان
اوله رق قالمه جقدر .

ضالین ده صنوف عدیده بی حاویدر .
بو مقامده مغضوب علیه اولان طائفه نك کفره قسمیه ضالین طائفه سنک
صنوف مختلفه سی و هر صنفک بطلان مذهب ومقالاتی ایضاح اوانق
اقتضا ایتدیکندن ایکی فصل مستقل ایرادینه لزوم کورلمکده در .
مناسرتی اسماعیل هفی

نجائب قرآنیہ

سوره نساء : آیت - ۵۶

« ان الله يأمرکم ان تؤدوا الامانات الى اهلها » قول کریمی کعبه
الناس ان تحکموا بالعدل ان الله نعماً یعظکم به ان الله کان سمیعاً بصیراً »
تحقیق الله سزه امر ایدیور که امانتلی اهلنه تأدیه ایده سکز .
وحکم ایتدی ککز وقت عدل ایله حکم ایلر سکز . اللهک سزه وعظ
ایتدیکی [بو نصیح و پند بیوردیغی] شی [که اهلنه ادا امانات وحکمدرده
عدالت ایتکدر] نه کوزل . جناب حق سمیع در [اقوال کزی ، حکمدر .
یکزی ایشیدر] ، بصیردر [افعال کزی ، اماناتی اهلنه ادا ایدوب
ایتمادیک کزی کورر] .

نه بلیغ و جامع موعظه الهیه ! ساده ومقدس برجاذبه بیان ایله
انسانی نصل برجهان معالی وفضائله عاشق ایدیور !

قنی انساندر که امانته خیانت ایتسونده فلاح بولسون ، عاقبت
پریشان اولسون . قنی دولت وامندر که اهلنه ادا اماناتی واحکامده
عدالتی التزام ایلسونده نجم شوکت واقبالی درخشان اولسون . حامل
وظائف اولانلرک عهدلرنده امانت بولنان جاه ومنصبلر اهلنه تفویض
ایله ایش باشلرنده امین وکاردانلر بولنور . وحاکمدر حکمدرنده طمع
وامنیه مغلوب اولیوبده عدل وحقایتیه متوجه اولورلر ایسه اودیاردنه
نهلر تجلی ایتمز ، جابجا نهدرلو فیوض ظهوره ککز ؟ بومسلکه سالک
اولان ملل ونخلده دمبدم نشانه التفات الهی کوریلور .

نظم دنیا سبی سلطنت عادلدر

اعدل خلقتی حق ناظم اشیا ایلر

فصلی

وله

حکمدر واسطه موت و حیات خلقک
وای اول حاکم کیم ایلر حکمنده خطا
قیله مظلوملری مرجتندن محروم
ویره ظالمه اوز نفی ایچون استیلا

ملتقی شارحی داماد مرحوم کتاب القضاءه شوحدیث شریفی
نقل ایتشددر : « من قلد انساناً عملاً وفی رعیته من هو اولی منه فقد
خان الله ورسوله وخان جماعة المسلمين » برکیمه بر انسانه برایشی تقلید
وتفویض ایدوب حالبوکه رعیه سی ایچنده او انساندن اولی والیق
بولنورسه اول کیمسه علی التحقیق الله ورسوله وجاعت مسلمینه خیانت
ایتمش اولدی . حدیث شریفه کی جمله شرطیه نك جوابی [اشباه] ده
« فقد ظلم مرتین باعطاء غیر المستحق ومنع المستحق » صورتنده روایت
اولمشدر . بوروایت کوره مال منفی شودر : برکیمه برایشی رعیه سی
ایچنده او ایشیه احق والیق واریکن برانسانه تفویض ایدرسه اول
کیمسه غیر مستحقه اعطا ومستحق منع ایتدیکی جهته علی التحقیق ایکی
کره ظلم ایتمش اولدی .

* *

« ان الله يأمرکم ان تؤدوا الامانات الى اهلها » قول کریمی کعبه
معظمه نك سادن وکلیدداری عثمان ابن طلحه بن عبدالدار حقنده نازل
اولمشدر . رسول اکرم افندمن یوم قحده مکیه داخل اولنجه عثمان
بن طلحه کعبه نك قپوسنی کلیدلیوب سطح کعبه ده چقمش ومفتاح کعبه بی
پیغمبر افندمنه تسلیمدن امتناع ایله بن انک رسول الله اولدیغنی بیلیدم
مفتاحی اندن اسیرکه مندم دیمش ایدی . امام علی حضرتلری عثمانک
النی بوکوب مفتاحی الدی ، کعبه قپوسنی اچدی ، رسول الله افندمن
درون بیت معظمه کیروب ایکی رکعت نماز قیلدی . طیشارییه
چقدقده عباس حضرتلری مفتاح کعبه کندوسنه ویریلوب سقایات ایله
سداتی جمع ایتسنی طلب ایتدیسده بوآیت کریمه نازل اولمغه رسول
مجتبی علیه افضل التحایا حضرتلری مفتاحی عثمانه اعاده ایدوب اعتذار

بعض مفسرین کرام سیاق آیه نظر ایدوب دیدیلرکه بو قول شریفده کی خطاب امراء و حکام و سائر کبی و لایه امورده در. نته کیم «واذا حکمت بین الناس ان تحکموا بالعدل» قول کریمده کی خطاب ائمه اولدینی کبی. بو تقدیرجه نظم جلیک مال منیفی: [ای و لایه امور! ای امراء و حکام! جناب حق سرزه امر ایدیبورکه مناصب و سائریه دایر ذمتریکنزه تعلق ایدن حقوق اهلنه، مستحقترینه ادا ایدم سکر و ناس بیتنده حکم ایتدیکنز زمان عدل ایلله حکم ایدوب شو صورتله ده ذم غیره تعلق ایدن حقوق اصحابنه ایصال ایلیم سکر] دیمک اولور.

فی الاصل عدل: اشیاده مساوات دیمک اولوب صکره ظلم و اعتدادن خارج قالان هر شیئه عدل تسمیه ایدلمشدر. «ان الله نعماء یعظمکم به» قول کریمی ماقبلانی تقریر ایدر. و مخاطبنه مزید لطفی و امتثال امره حسن دعوتی تضمن ایلر جله مستأنفه در. «ان الله کان سمیعاً بصیراً» قول کریمی ایسه وعد و وعید اولوب اهلنه تفویض امانات ایدن اولیاء اموری و عدل ایلله حکم ایدن حکامی مکانات الهیه ایلله تبشیر و خلاف امر حرکت ایلان ولایه و حکامی مجازاة منتقم قهار ایلله انذار ایدبور.

حجاج ابن یوسف الثقفی خطبة عراقه والی تعیین قلندی زمان عراق غایتله معمور و آبادان ایکن حجاجک روا کوردیکی مظالم کونا کون ایلله خراب و بیاب اولدیندن وارداتی بیک کره قرق بیکه [قرق میلیون ایدر] تزل ایتدی. حالبوکه عمر بن عبدالعزیز حضرتلرینک زمان عدلده خطبة مذکورده نک وارداتی بیک کره سکسان بیکدن [سکسان میلیون ایدر] بیک کره یوز بیکه [یوز میلیون ایدر] ودها زیاده قدر چیقیش ایدی.

امام علی کرمه وجهه ورضی اه عنه حضرتلری بریهودینک یدنده کوردیکی زهرندن طولانی قاضی شریحک حضورنده یهودی ایلله مرافعه اوله رق زره کندوسنک اولدینقی ادما ایلدی. شرح حضرتلری یهودیه بو ادعایه قارشو نه دیرسین دیه سؤال ایتدی. یهودی: زره بنفدر و واضع الیدی بنم دیدی. بونک اوزرینه شرح امام علیدن مدعاسنی اثبات ایچون ایکی شاهد ایسته دی. قنبر ایلله حسن بن علی کلوب امام علی نک لهنه شهادت ایتدیلر. قاضی دیدی که عبد معتقک بولنان قنبرک شهادتی قبول ایتدم، اما او غلکک شهادتی قبول ایتم. امام علی رضی اه عنه حضرتلری او غلکک پدیری لهنه شهادتی قبول اولور رأینده ایدی. شرح رحهه امام حسنک پدیری لهنه شهادتی قبول ایتماسی اوزرینه حضرت علی زره یهودیه تسلیم ایتدی. یهودی بو حال کورنجه کندی کندینه دیدی که امیر المؤمنین حضرتلری کندی طرفندن منصوب قاضی نک حضورینه بنم ایلله برابر کتدی، قاضی آنکک علیننه حکم ایتمشکن راضی اولدی. بو حال بو صورتله در پیش مطالعه ایتدکن صکره دونوب امام علی یه: یا علی سن صادق سین، خدا علم و دانا بو ادما ایلدبکک زره بنم دکل سنکدر دیدی و اسلام اولدی. امام ثانی ابو یوسف حضرتلری حالت نزعه ایکن شویله دیوب اغلادی: یارب سکا معلومدرکه بن خصمندن هیچ برینه قلباً دخی میل ایتدم، انجق هرون الرشیدک بر نصرتی ایلله سبق ایدن مرافعه سینه

ایلمسنی حضرت علی یه امر ایتدی. امام علی ده مقتاحی عثمانه اعاده ایلله اعتذار ایلدی. عثمان دیدی که اوله یا. اجبار و اذا ایتدکن صکره شمدی کلدکده رفق ایلله معامله ایدیبورسک. حضرت علی: سنک حقکده قرآن نازل اولدی ده شمدی بونکچون سکا بو معامله یی ایدیبورم جوانی و یردی و آتی او قودی. عثمان آتی استماع ایتمسیله همان شهادت کتوردی و جبریل علیه السلام هبوط ایدوب سدانک الی الابد اولاد عثمانده اولدینقی رسول اکرم صلی الله علیه وسلم افندمزه خبر و یردی. بو قول کریم بروجیه مشروح سادکن کعبه عثمان بن طلحه حقنده نازل اولمشده خطاب هر امانده هر فردده عامدر. یعنی خطابک حکمی بتون مکلفینه و امانات دخی حقوق الله و حقوق عباده دایر مکلفینک ذمترینه تعلق ایدن جیع حقوقه عام و شاملدر، خصوص سبب عموم حکمه مانع دکلدر، آیتک شوقسه اوزرینه و رودی انک بوقضیه یه مخصوص اولسنی ایجاب ایتمز. شو حالده بو خطابک حکمنده هر انسانک حامل اولدینقی جیع امانات داخل اولور.

معلومدرکه انسانک معامله سی یاربیلله و یا عباد ایلله و یا نفسیلله اولور. بو اوج قسم معامله نک جیع احوالده امانته رعایت لازمدر. انسانک ربیلله اولان معامله سنده امانته رعایتی مأموراتی ایشله مک و منهای ترک ایتمکدر، بو بر در یادرکه ساحل و پایانی یوقدر. ابن مسعود حضرتلری بیوردی که امانت هر شیده و حتی آبدسته و جنابتدن غسلده و غازده و زکاتده و صومده بیلله لازمدر. قسم ثانی که انسانک خلق ایلله معامله سنده امانته رعایتی در. بوقسمده و دیعه و مستعارلری اصحابنه اعاده ایدوب خیانت ایتماک خصوصلری داخل اولور. ابو هریره حضرتلرندن روایت اولندی که رسول کبریا افندم: «اذا الامانة الى من ائتمنت ولا تخن من خانک» بیورمشدر. بوقسم امانته کیل و وزنده تطفیف ایتمیوب تام اوچمک، تام طارتمق، ناسک عیوبی انشاء ایتماک خصوصلری، ملوک و امرانک رعیتلری حقنده کی عدالتلری، علمانک عوام ناسی تعصبات باطله یه سوق ایتمیوب بلکه دنیا و آخرته نافع اعمال و اعتقاداته انلری ارشاد ایدر صورتده نصیح و پندلری، زوجه دخی ناموسنی محافظه ایدوب زوجه خیانت ایتماسی داخلدر. انسانک نفسیلله معامله سنده امانته رعایتی حقنده کی قسم ثالثه کلنجه بوده انسانک دین و دنیا ده نفسی ایچون انجق انفع و اصلح اولان شیلری اختیار ایتمی و شهوت و غضب سببیلله متضرر اوله جنی اشیادن مجانبت ایلدی در، بونکچوندرکه سرور کائنات علیه افضل النحیات افندم: «کلکم راع و کلکم مسؤول عن رعیتیه» بیورمشدر. بو تعدد اولنان امورک جله سی جناب حقل اهلنه اداسنی امر ایلدیکی امانتدن اولغله هبسی «ان الله یا امرکم ان تأدوا الامانات الی اعلها» قول کریمده داخل اولور. جناب حق امر امانتی کتاب عزیزینک یک چوق موضعنده اعظام و تفخیم ایتمشدر. «سورة مؤمنون» ده فلاح ابدی یه نائل اولان، و منلرک اوصافی اره سنده «والذین هم لاماناتهم و عهدهم راعون» و «سورة احزاب» ده «انا عرضنا الامانة علی السموات و الارض و الجبال فأبین ان یحملها و اشفقن منها و حملها الانسان» بیورمشدر. اثرده دخی «لا ایمان لمن لا امانة له» وارد اولمشدر.

حقسز اولدینی جهتله کرچه رشیدک علینه حکم ایتد مسهده اثناء
مرافعهده ایکسینی مساوی بر موقعهده اوتورتامشیدم .

فقهاء عظام حضراتی دیورلرکه حکام حق عامه ایچون نفسارینی
حبس ایتیش اولدقلرندن انلرک رزق وکفایتلری ایله اهل واعوانلرک
ومؤنلری کندیلرینه عائد اولانلرک کفایتی بیت المالدن ویریلور ، انلر
بو صورتله اعاشه ایدلزلرسه اموال ناسه طمع ایتلری ملحوظدر .
نقل اوانورکه حضرت عمر رضی الله عنہک بیت المالی شدتله صیاتی
معلوم ایکن قاضی شریحه شهری یوز اچقه معاشی ویرر ایدی . امام
علی رضی الله عنه حضرتلری ایسه زمان خلافتنده قاضی مشارالیهک
معاشنی شهری بشیوز اچقهیه ابلاغ ایلدی . اوزمانلره کوره جزیره-
العربده دوشونلسون بومقدار معاش نه عظیم مبلغ ایدی . ایشته اقوام
فاضله حالا بودستور مجله اتباع ایدیور ، حکامنی محترم طوتویور .
رفاه اوزره انلری اعاشه ایدیور ، بالآخرده ملکا وسیاسه کنددی
مستفید اولیور . ملکلرنده غوائل متمادیه ظهور ایتیور ، غوائل
تحقیق ایچون ، باصدیرمق ایچون خزیندلرینی بوشالتمقدن وارسته اولیور .
سنده مطاع جهان اولان شوقاعدهیه رعایت ایدوب حکامکه احترام
ایت ، مستوفی معاش ویر وتخصیص ایلدیکنک معاشی وقتله تسویه
ایت ، معاش المق ایچون زیدوعروک درجه درجه اتکلرینی ، ایاقلرینی
تقیله مجبور ایتمه ، امان شونک بونک امرینه مخالفت ایدرسدم عجبا
بن صولانی نرده اله جنم ، چواق جوجحقده نه اوله حق کبی تردد
دلخراشلرده انلری بواندیرمه . باق اوزمان نصل حاکملر ظهور ایدر ، نصل
حکملر صادر اولور . هرشیئدن اول بوقاعده پیشوای حرکت اتخاذ
قلنبلی وصرکه دیگر جهتلر ، دیگر تدبیرلر دوشونللی در . برحاکم که سلامت
فکری بالوجوه خواطر واکدار ایله مختل اولمشدر ، او حاکم مصالح
عبادیعی دوشونور یوقسه نفسنی می ، بویله برحاکمدن ارتق نه بکله نور . ابن
ملکک منار شرحنده نقل ایلدیکی اوزره قاضی شریح رجه الله حضرت عمر
طرفندن کوفهیه قاضی نصب اولندی ویتیش بش سنه کوفهده قاضی
اوله رق قالدقدن صکره حجاجک عراق والیلکی زماننده استعفا ایتدی .
وفاتنده یوز یکریمی یاشنده ایدی . عصرمزده آه ! والیلر حاکملر
مأموریتلرندن برق خاطف سرعتیه کچیورلر .

برکت زاره اسماعیل هفی

صفحات حیاتدن

آمین آلابی

اڭ اوڭده رحله سی آغوش احترا منده ،
آغیر آغیر یوروین برطقون یاشنده ملک ،
بش اون آدیم کریدن ، زیب واحتشامنده
شفق ضیالری حتی افول ایدوب کیده جک
قدر لطیف ، ایکی معصومی بر آجیق پایطون

وقار وناز ایله چکمکده ، آرقه سنده بونک ،
کوچک کوچک بر آلا ی چهره سرور نمون .

اوروحدن دها صافی اولان یورکلردن
زمان زمان بر آلهی ترانه یوکسلیور ،
بوجوش صفونک عکسیله تاملکلردن
زمینه طوغری بر « آمین ! » صداسیدر کچیور .
محیطی هر برینک بر صباح نور انور ،
بوتون بوقافله افرادی ، پرسرود سرور ،
کذرکهندکی خلقی یاروب یاروب کچیور !

بو بر کتیبه معصومه درکه ای ملت ،
سلامه طور ملیسک شانلی رهگذارنده ،
بو بر جناح که آتیده بر اوافق حرکت
یاپوب جهانلری اویناتقی اقتدارنده !
کلیرده سایه امداد حقدده بر کون ، بو
کیور دیار معالی یه طوغرودن طوغرو .
بودر بو وارایسه دنیا ده شانلی بر اردو !

اوت ، ایلرملک ایسترسه کاربان شباب
یولنده طورمایه گلز . اوچونکه طورمایه رق
دیگر که ایلسون آتی یه طوغری عزم وشتاب .
اوچونکه ایسته میور حاله صاپلانوب قالمق !
اونک قدومی ایچون نازنین استقبالی
آچارده سینده او اولمازی پر کشای وصال ؟
طورورمی آرتق اونک قارشیشنده ماضی ، حال !

فقط اوزمزمه لر اوچدی هپ دوداقلردن ..
سرود نشوه بو عالمده پک سورکسزدر !
آغیر آغیر کچیورکن آلا ی سواققلردن ،
کلیرده جاده نک آغزنده میخلانیر ، دیکلییر
مهیب منظره بر آنلی شانلی کردونه ..
ایچنده پودرملی اوچ زوبیه ! سوگره نه یسه یینه
بول آچدی بر ایری سس موکبک کچوب اوکنه ؟

سز ، ای هیاکل بی روحی دور ماضینک ،
دیکلمه یک یولنه کاربان آتینک !
نهر طریقنی کسمکده بویله استیجال ؟
طوروک ایلرله سون الله ایچون شواستقبال !

محمد عاکف